

ԱԽԹԱՄԱՐ

(ԱԶԳԱՅԻՆ ԱԻԱՆԴՈՒԹԻՒՆ)

ՅՈՎՀ. ԹՈՒՄԱՆԵԱՆՅԻ

Ծիծաղախիս Վանայ ծովի
Փոքրիկ գիւղից առափնեայ
Ծովն է մոնում դադուազողի
Ամեն գիշեր մի տըղայ:

Ծովն է մոնում առանց նաւակ,
Բազուկներով առնացի
Զուրը ձեղփում, լող է տալիս
Դէպի կղզին դիմացի:

Խաւար կղզուց պարզ ու պայծառ
Մի լոյս կանչում է նրան,
Մի վառ փարոս նրա համար,
Զը մոլորի որ ճամբան:

Ծփում է ծովն ալեծածան—
Ծփում է սիրտը տըղի,
Գոռում է ծովն ահեղաձայն—
Նա կուռում է կատաղի:

Ոչ մի վտանգ նա չի հարցրել
 Ոչ մի գիշեր մթնագին,
 Միայն ճգնում է շուտով հասնել
 Երևացող կըրակին:

Սիրուն Թամարն ամեն գիշեր
 Այնպես կրակ է անում,
 Եւ սպասում է անհամբեր
 Այնտեղ-մօտիկ դարանում:

Մփում է ծոփն արեծածան -
 Մփում է սիրտը տըղի,
 Գոռում է ծոփն անեղաձայն -
 Նա կռւում է կատաղի:

Եւ Թամարը սրտատրոփ
 Արդէն լսում է մօտիկ
 Զրի ճեղփին և ողջ մարմնով
 Խանդից այրւում է սաստիկ:

Լռեց յանկարծ... և ծովափին
 Երևեցաւ մի սուեր...
 Ահա և նա... իրար գոան...
 Կասկածաւոր լուռ գիշեր...:

Միայն ալիքը վանայ ծովի
 Մեղմիկ դիպում ավերքին,
 Հրհրելով հեռանում են
 Շշուռներով անմեկին:

Նրանք կարծես փրսփրսում են...
 Եւ աստղերը կամարից
 Միաբերան բամբասում են
 Լիրբ, անամօթ Թամարից...:

Բա՛րասում են կուսի սրտում...
 Եւ դարձեալ մոլթ գիշերով
 Մէկը խաւար ծովն է մտնում,
 Միւսը ահից դողալով

Մունկ է չոքում լուռ ծովեզրին
 Եւ, ականջը խոնարհած,
 Հետեւում է ջրի ձայնին,
 Որ հեռանում է կամաց...

Միւս գիշերը, նոյն ժամանակ,
 Էլ նոյն կրակն է վառւում,
 Եւ կըրակի շուրջը դառարկ
 Էլ նոյն անցքն է կատարւում:

Բայց Թամարի հօր հարեան
 Մի քանի մարդ չարասէր
 Նրանց գաղտնիքն իմացան
 Եւ ամպամած մի գիշեր

Լոյսը հանգցրին. լողորդն յոգնած
 Մոլորւեցաւ սեւ ծովում,
 Երբոր նայեց, տեսաւ հանգած,
 Փարոսն էլ չի երևում:

Լոյսը հանգցրին չար զիւղացիք
 Եւ կանգնած են լուռ ու մունջ.
 Դէպի ափերն այն ուղղաճիգ
 Հեռից հողմը դառնաշունչ
 Բերում է ձայն կիսամար—
 «Ա՛խ Թամար...»

Մօտ է ձայնը. խօլ խաւարում,
 Ժայռերի տակ սեպացած,

Ուր ամենի ծոցն է գոռում,
 Մերթ կորչում է խլացած
 Մերթ լսում է ուժասպառ —
 «Ա՛խ Թամար...»

Առաւօտեան ծովը ծփաց
 Ափը ձգեց մի դիակ.
 Նորա դէմքը ալլանդակաժ
 Կարծես մեռած ժամանակ
 Մրմնջում էր անբարբառ —
 «Ա՛խ Թամար...»

Այն օրանից դրա համար
 Կղզին կուլեց Ախթամար»

(891 Թ., չեկտեմբերի 11)